

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vocabularius

Nestor, Dionysius

[Venedig], 26. Juni 1488

Nostoris Dionysii Novariensis [...] ad [...] Lodovicum Sphortiam / in opus
eius excellentiae dicatum versus incipit

[urn:nbn:de:bsz:31-299724](https://nbn-resolving.org/urn:nbn:de:bsz:31-299724)

Montij Angia dno 1510

Nestoris Dionysii Nouariensis ordinis Minorum de obseruantia
ad illustrissimum principem Lodouicum Sphortiam / i opus eius
excellentiæ dicatum uerfus incipit.

Anguiger hunc princeps tu qui auxiliaribus armis
Tutor ades domino Mutinæ Lodouice libellum
Accipe: quem tota tibi Nestor mente dicaui
Strenuus ut bellis sic donis teste Minerue
Ingenioq; ualens quando tibi quid uacat oci
Hunc legito: hoc curas post ardua gesta leuato
Ardua gesta loquor: quis toto partus in orbe
Semper honos nomenq; tuum laudescq; manebunt.
Rebus nempe suis socium petit Itala tellus
Imprimis Xystus diuus summusq; sacerdos
Te quoq; Partenopes rex Hetruscusq; senatus
Dux Mutinæq; socer: fluiiq; Bononia Rheni.
Gaudet & ipsa tibi iuncta esse gabaudia: & urbis
Inclytus ipse nouæ princeps & classe superba
Metropolis Ligurum: Promptum teq; excit in arma
Pro socero inuicti magnum qui nomen adeptus
Herculis inuisos te præside conteret ausus
Hostis: & Italia dabis aurea tempora pacis.
Si quibus Aufonius fama immortalis auorum est
Principibus parti si sunt uirtute triumphis
Ante alios leget ipsa tuos hæc posteraq; ætas.
Ipse canet pugnas uates: & fortia dicet
Prælia: teq; tuasq; sonabit carmine palmas.
Perge igitur: superosq; habeas ad uota secundos.
Ii tibi dent gazas Arabum: dent Nestoris annos
Fortunam Augusti: & sceptrâ imperiosa monarchæ.
Armataq; meo hoc firmes sermone cateruas.
Hectorei socii mecum durate sub armis.
Sacra etenim (si fas tamen est) per numina iuro!
Stamina si geminos lachesis mihi nerit in annos
Imperitanti hostes cogam stricto ense subactos
Lingere humum coram: & sæua præ strage dare hærbas
Tunc omnis spoliis tunc & fulgentibus armis
Electis pariter & equis opibusq; superbis
Donabo: ac magno (durate age) semper honore
Hinc bellis picta inde iocis fuluisq; micanti
(Dona ubi pensa) tholis mecum dignabor in aula.
Iamq; uale: studioq; uacet mens alta salubri:
Aspireq; tuo princeps clarissime uati
Fratrum apud Excelsum precibus seruande meorum.

